

572/2
1952/2


დილა

დაწვრილი, თუბო მადნაე,
იღბინე, ქართული შინავე,
და ჰენე, ქართველი, სუ
სამს-სამსა, ვეახანე...

ქართული
საზოგადოებრივი

საქართველოს ალკ ცენტრალური კომიტეტის
ყოველთვიური საბავშვო ჟურნალი მცირეწლოვანთათვის





სახლი ულიანოვსკში. სადაც დაიბადა ვ. ი. ღვინია

ბრიგოლ ახუნიძე

ნახატი ვ. ჯაფარიძისა

ორი სახლი

ქვეყნად რამდენი სახლია
ძალადი, კოხტა ბანუბით,
მაგრამ უთვალავ სახლთაგან
ჩვენ ორ სახლს უყოყმანებით.

გული სულ მათკენ მიგაქცევს,
ცხელად იუ სამთრის თოძია,

ერთი დგას ულიანოვსკში,
მუორე—აგურ, გორძია.

და მუდამ, როცა გორძა ვართ,
ოცნება ცაღ აფრენადი
ულიანოვსკში მიგაფურცნს,—
ეჲ დაიბადა ღვინია.



ე. ი. დენინი ბავშვობისას



კაშინოში გამგზავრება

სოფელ კაშინოს მცხოვრებლებმა 1920 წელს ელექტროსადგური აიშენეს.

მაშინ ეს მეტად ძნელი საქმე იყო: არ იშოვებოდა ყველაზე უფრო საჭირო მასალა; ლურსმანიც კი იშვიათად მოიძებნებოდა სოფელში.

და, აი, სწორედ ასეთ დროს, კაშინოელმა გლეხებმა საკუთარი ძალებითა და საკუთარი სურვილით თვითონ დაიწყეს ელსადგურის შენება. დიდის გაჭირვებით იშოვეს ტელეფონის მავთულის რამდენიმე დიდი შულო. მავთული ნაგრები და მეტად სქელი იყო. იგი მიწაზე გაშალეს და გახებით, მარწუხებით და თვით შიშველი ხელებითაც კი დაიწყეს დაშლა. ამგვარად ბევრი მავთული მიიღეს.

ტყიდან მორები მოზიდეს, ბოძებად დახერხეს და სუფთად გარანდეს.

ახლა საჭირო იყო ელექტრომანქანის — დინამოს შოვნა.

თუ კი იმ დროს ლურსმნის ყიდვაც კი არ იყო იოლი საქმე, წარმოსადგენია, რა შრომა დასჭირდებოდათ კაშინოელებს დინამომანქანის შესაძენად.

კაშინოელი გლეხები მოსკოვში წავიდნენ და სადაც მივიდოდნენ, საუბარს იმით იწყებდნენ, რომ ლენინს მთელი ჩვენი ქვეყნის ელექტროფიკაციის გეგმა აქვს და ისინიც, მაშასადამე, ამ გეგმის მიხედვით მოქმედებენ.

როგორც იქნა, კაშინოელებმა თავისას მიაღწიეს და მიიღეს დინამომანქანა.

ჩამოიტანეს იგი კაშინოში და დიდ ფარდულში მოათავსეს.

მთელი ქუჩის გასწვრივ ბოძები აღმართეს, მავთულები გაჭიმეს და ყოველ ქობში ელექტრონათურა დაჰკიდეს.

როცა ყველაფერი მზად იყო, წერილი გაუგზავნეს ლენინს და ელექტროსადგურის გახსნაზე მიიწვიეს.



წერილი კი გაგზავნეს, მაგრამ არა სჯეროდათ, რომ ლენინი ჩამოვიდოდა: სად ექნება ლენინს ჩვენთან ჩამოსვლის დროო... მზადებას მაინც შეუდგნენ. ყველაზე დიდ ქოხში დადგეს გრძელი მაგიდა და სკამები, ხოლო რაც ზედმეტი იყო — სკივრები, საწოლები გარეთ გაიტანეს.

მოემზადნენ სამასპინძლოდ: რაც კი შეეძლოთ მოხარშეს და გამოაცხვეს.

დაღა ელექტროსადგურის გახსნის დღე — 14 ნოემბერი.

გლეხებმა აღარ იცოდნენ დაეცადათ თუ არა ლენინისათვის.

უეცრად გზაზე მსუბუქი ავტომანქანა გამოჩნდა.

ბავშვები პირველნი გაიქცნენ შესახველად.

მანქანა გაჩერდა. მანქანაში ვლადიმერ ილიას ძე და ნადეჟდა კონსტანტინეს ასული ისხდნენ.

ვლადიმერ ილიას ძემ ბავშვებს ჰკითხა: — სად არის აქ ელსადგური?

ბავშვებს გაეხარდათ:

— ჩავსხი და მაშინ გიჩვენებთ. ლენინმა ბავშვები მანქანაში ჩაისვა და გზა განაგრძო.

II.

ლენინს დიდ ქოხთან შეხვდნენ გლეხები.

ქოხში საუბარი გაჩაღდა. ლენინმა თეთრგვარდიელებზე წითელი არმიის გამარჯვების შესახებ მოუთხრო გლეხებს და მიულოცა მათ ეს გამარჯვება.

გლეხებმა უამბეს მას თავიანთი საქმეების შესახებ.

ლენინი ყურადღებით ისმენდა. როცა მოამბე შეჩერდებოდა, ლენინი გამამხნეველად შეესიტყვებოდა:

— ჰო, მერე, მერე?

ლენინს შესანიშნავი მცხსიერება ჰქონდა: მან სწრაფად დაიმახსოვრა, ვის რა ერქვა და შემდეგ მოხუც გლეხებს სახელითა და მამის სახელით მიმართავდა: ალექსი ანდრიას ძე, ვასილისა პავლეს

54/3





ასული. მოხუცებს ეს ძლიერ მოეწონათ.
საუბარი ლენინისთვისაც და გლეხების-
თვისაც იმდენად საინტერესო იყო, რომ
დალაშქვა არავის შეუშინებია. სწუხდა მხო-
ლოდ ერთი კაცი — ფოტოგრაფი. იგი
ჩამოვიდა, რომ ლენინი გლეხებთან ერ-
თად გადაელო. ახლა კი შეწუხებული
ფიქრობდა: მალე დალაშქვბა და სინათლის
ნაკლებობის გამო სურათი აღარ გამოვაო!
ბოლოს, როგორც იქნა, გაბედა:

— ვლადიმერ ილიას ძე, გლეხებს
თქვენთან ერთად გადაღება სურდათ!

— ჰო?.. კარგი, — უპასუხა ლენინმა და
საუბარი განაგრძო. გავიდა კიდევ ათი
წუთი, უკვე ბინდებოდა.

— რამდენიმე წუთის შემდეგ უკვე
გვიან იქნება! — სასოწარკვეთილებით წარ-
მოსთქვა ფოტოგრაფმა.

ვლადიმერ ილიას ძემ ფოტოგრაფს თვა-
ლი შეავლო. სურათის გადაღება არ უნ-
დოდა, მაგრამ ლენინი სხვის შრომას აფა-
სებდა, მით უფრო, რომ ფოტოგრაფმა
დრო დახარჯა და ქალაქიდან ჩამოვიდა.

— თქვენ ეზოში გადით, მოემზადეთ,
მე და ნადეჟდა კონსტანტინეს ასული
ახლავე მოვალთ. — უთხრა ლენინმა.

ფოტოგრაფი თავისი აპარატით ქუჩი-
საკენ გაიქცა და აპარატის დაღმას შე-
უდგა. ბავშვებმა ფოტოგრაფს ძლიერ
გაუჟირვეს საქმე. ყოველი მხრიდან მო-
გროვდნენ და ცდილობდნენ აპარატის
წინ ჩამომსხდარიყვნენ.

ლენინი ნადეჟდა კონსტანტინეს ასულ-
თან ერთად ქოხიდან გამოვიდა.

ფოტოგრაფმა ისინი შუაში ჩასვა და
ირგვლივ გლეხების დასხმას შეუდგა. მაგ-
რამ აქაც ჩაერივნენ ბავშვები, ყველას
ფეხებში ეღებოდნენ, ლენინისაკენ მიი-
წევდნენ.

ფოტოგრაფი გაჯავრდა: ყველანი ჩუ-
მად უნდა ისხდით, თორემ სურათი გა-
ფუჭდებაო.

ვლადიმერ ილიას ძემაც დაუწყო
შეებს დარიგება, აპარატზე მიუთითა და
უთხრა:

— აგერ, იმ შავ ხვრელს უყურეთ!
ბავშვებმა აპარატის ხვრელს დაუწყეს
ცქერა. ფოტოგრაფმა თავზე შავი, გრძე-
ლი ნაკერი წამოიხურა და გაირინდა.

— თქვენ აქ ბავშვები არ გამოიყნოთ! —
უთხრა ლენინმა ფოტოგრაფს.

ირგვლივ სიცილი ატყდა:
— არაუშავს, ჯანმრთელები გვეყანა,
აიტანენ!

საუბარი მათ რომ შეეხო, ბავშვები
კვლავ ამოძრავდნენ. ახლა კი ვეღარ მო-
ითმინა ფოტოგრაფმა და დაიყვირა:

— სმენა!
ლენინს გაელიმა და ასევე გალიმბუ-
ლი გამოვიდა სურათში.

III

მოედანზე მიტინგი გაიხსნა.
მოედნის შუაში მღალა ბოძი იყო
აღმართული, ზედ ახალი ელექტროფა-
რანი ეკიდა, იგი ჯერ არც ერთხელ არ
აენთოთ.

ბოძს წითელი ლენტები და ნაძვის მწვა-
ნე ტოტები ჰქონდა შემოხვეული. ფარ-
ნის ქვეშ პატარა მაგიდა იდგა.

აქ, კაშინოელებს გარდა, სხვა სოფლი-
დან მოსულ გლეხებსაც მოეყარათ თავი.
ბევრიც შორიდან მოსულიყო,

ლენინი მაგიდასთან მივიდა და სიტყვა
დაიწყო:

— თქვენი სოფელი კაშინო ახლა ელექ-
ტროსადგურს ააშუშავებს. შესანიშნავი
საქმეა! მაგრამ ეს მხოლოდ დასაწყისია,
ჩვენი ამოცანა კი იმაშია, რომ მთელ
ჩვენს რესპუბლიკას მოეფინოს ელექტრო-
ნის შუქი.

როცა ლენინმა სიტყვა დაამთავრა, სიმებთანმა ორკესტრმა „ინტერნაციონალი“ დაუკრა. იმ წუთშივე, ფარდულში, სადაც დინამომანქანა იდგა, მონტიორმა დენი ჩართო.

მოედანზე ელექტროფარანი აინთო, ქოხებში კი უეცრად შუქი აკიმციმდა. კაშინოელ გლეხებს წინათ პატარა ქრატები ენთოთ, რომლებიც მომწვანო ფერად ძლივს ბუუტავდნენ.

— ახლა კი ჩვენთანაც აენთნენ ილიჩის ნათურები, — თქვა ვილაცამ, როდესაც

საც ელექტრონის კაშკაშა სინათლე შეაველო თვალი.

ლენინი ყველას დაემშვიდობა და მანქანისაკენ გასწია. უკვე ძლიერ ბნელოდა, ნოემბრის ცივი ქარი სცემდა სახეში.

როცა სოფელს საკმაოდ გასცდნენ, ვლადიმერ ილიას ძემ მიიხედა. ჩაბნელებულ ველებს შორის მკაფიოდ ჩანდა კაშინოელთა ქოხების განათებული ფანჯრები.

თარგმანა ვ. კ. ძემ





ი. გრიშაშვილი

ნახატი თ. ახიკაშვილისა

ს უ რ ა თ ი

ახლოვდება გაზაფხული,
ზამთარს წასვლა ეძნელება,
სსივდაკრული სისხრული
გაიშალა ენძელებად.

დღემ საგრძნობლად მოიმატა,
აღარ მოჩანს ქედი თეთრად,—
თოვლის წონა გაუხდია
გაზაფხულის შესახვედრად.

მოხერხებული გია

ერთ კოლმეურნეობაში ცხოვრობდა ათი წლის ბიჭუნა. მას სახელად გია ერქვა. გია კოლმეურნეობაში აღიზარდა შშობლებთან. ბავშვმა ყველაფერი თავისით ისწავლა. შეეძლო ვერხვისა და კაკლის წვერებზე აცოცება. არაფრის ეშინოდა, არც წყლის, არც ცეცხლის, არც სიბნელის. მესაქონლეობის ფერმაშიც შინაურად იყო. კამეჩებს, ხარებს, რქენია ძროხებს ყურში ხელს მოავლებდა, შეიყვანდა ბოსელში და რკალით მიბამდა ბაგასთან. კობტა და ლახათიანიც იყო გია. ხალათ-შარვლი, ქამარი და ფეხსაცმელები ყოველთვის სუფთად და ლამაზად ადგა ტანზე. გაცვეთილის დაკერებაც ეხერხებოდა.

ასეთი სიმარჯვისათვის გია ყველას უყვარდა: ცეცხლი ბიჭია, ივარგებს, ნეტავ ასეთი შეილი ყველას ჰყავდესო, — ამბობდნენ კოლმეურნეები.

ერთხელ კოლმეურნეობის მესაქონლეობის ფერმაში ასეთი შემთხვევა მოხდა: ზამთრის პირი იყო. მოხუცმა მომკვლელმა დაბმულ საქონელს დილით საკვები დაუყარა. ბაგებიდან ამოღებული ჩაღის ნარჩენი გოდრით ბუხართან მიიტანა. შეციენულმა მოხუცმა ბუხარში ბევრი ჩაღაშულა შეჭყარა. დიდი ცეცხლი დაიწყო. გუგუნით ავარდა ალი ბუხრის მილში. ერთ წამში მთელი სოფელი ჩაღის კვამლსა და მჭეარტლის სუნში გაეხვია. ბუხარში ხანძარი გაჩნდა. ბოსლის სახურავი შემოდგომის ფიცხი ქარისაგან გამომხვარი ლეღლისა იყო. ქარიც ძლიერად ჰქროდა. ბუხრის მილიდან შხელით ამოდიოდა აღში არეული ნაკვერჩხლად ქცეული ჰეარტლის გუნდები.

კოლმეურნეები დატრიალდნენ. მოარბენინეს სილა, სველი ნაბდები და წყლით სახეე ჰურქლები, მაგრამ გააიდებული ხან-



ძრის ჩასაქრობად მალდა ასეღა ვერაის მოეხერხებინა, რადგან კბე ახლოს არსად აღმოჩნდა.

ამ დროს საიდანღაც გია მოეარდა.

— მიადგით ბოსელს გრძელი ხე! — დაიძახა ბავშვმა.

ორმა კოლმეურნემ იქვე დაგდებულ ხეს ხელი სტაცა, მიაყუღდა ბოსლის სახურავს. ამასობაში გიამ ვიღაცის ძირს დაგდებულ პალტოს ხელი დაავლო, წყალში დააღბო, ბეჭე მოიგდო და მიკუღებულ ხეა ციყვივით შეეცოცდა. გაბედულად მიადწია ცაცხლისმფრქვეველ



ბუხრის მილამდე. იქ სველი პალტო და-
კუმშა და ბუხრის მილში ჩატენა.

ალი უეცრად მოიგულა. ამ დროს კი-
ბეც მოიტანეს, უფროსებიც ავიდნენ ზე-
ვით და ფერმის ბოსელი და საქონელი
დაწვას გადარჩა. პატარა ხნის შემდეგ
კოლმეურნეებმა ბუხრის კერიდან ამოი-
ღეს დაბამბული პალტოს დამწვარი და
ნაცრიანი ნაფლეთები. პატრონიც იქვე
იღვა და პალტოს დაწვას სულ არ ნა-
ღელობდა, რა კი და ამოდენა ქონება
გადარჩა განადგურებას.

— ამ პალტოთი გადაგვირჩინა ვიამ
ოთხმოცი სული ძროხა და ხარ-კამეჩი.
უყიდეთ მის პატრონს სამაგიერო! — უთხ-
რეს კოლმეურნეებმა თავმჯდომარეს.

— დღესვე შევეუძინეთ უკეთესი პალ-
ტოს. დაპპირდა მათ თავმჯდომარე და
გიას ჰკითხა: — შენ კი, რით დაგასაჩუქ-
რო შენი სიმარჯვისა და მოხერხებულო-
ბისათვის?

— მაგისათვის მე რა საჩუქარი მერგე-
ბა! განა მეც და ჩემი დედ-მამაც კოლ-
მეურნეები არა ვართ?! — გაიკვირვა გიამ.
მაგრამ კოლმეურნეობის თავმჯდომარე
სხვა აზრისა იყო. დახარალებულს თავი-
სი გადაუხადა. გიას კი საჩუქრად ერთი
ხელი ტანსაცმელი გაუგზავნა და თანაც
შეუთვალა:

მაგ სიმარჯვესთან ერთად კიდევ
უკეთ ისწავლეო!

ილია სინარულიძე

ნახატი რ. ცუცქერიძისა

ლაშა ბიჭი

ფეხის ადგმა უნდა ღაშას,
ღაშას უნდა ფეხის ადგმა.
ჭერ კი ისე დაბაჭბაჭებს,
რომ აჯობოს იქნებ პატამაც.

მაგრამ ვეიქრობ. რომ არ არის
დასაძრახი ღაშა ბიჭი;
ხუმრობაა? — გუშინ და დღეს
მან გადადგა რვა ნაბიჯი.

მადე სირბილს მოახერხებს
და ვერავინ დაეწევა;
ჭერ კი, რა ქნას, პატარაა.
აკვანში წევს, უნდა რწევა.

და როდესაც გაიღვიძებს,
იგი ბაჭბაჭს ისევე იწყებს,
ნაბიჯს დგამს და დედოკოსკენ
წინ განვიდოი ხელით იწევს.

გაიზრდება ღაშა მადე,
ვერ აჯობებს მისი კბილა.
აბა, ნახეთ მაშინ მისი
კუნტრუშა და ასკინკილა!

ფეხის ადგმა უნდა ღაშას,
ფეხის ადგმას ცდილობს ბიჭი.
ხუმრობაა? — გუშინ და დღეს
მან გადადგა რვა ნაბიჯი!





ბიოგრაფიკული

დაცადეთ, გაიზარდოს

ნახატი ვლ. ტორტაძისა

დარბის დახტის გურამიკო—
ეს პატარა დათვის ბედი.
კარადებშიც უნახავად
არ დატოვა კუთხე ბნელი.

დასდევს დედას, დასდევს და-ძმებს,
დაახია კალთა ბეზის.
მერცხალივით მოჭიკჭიკემ
გამოსისხას ღამის ფრთები.

სუფრას კობხად რომ გაშლიან,
სუფრის თავში ჭდება თვითონ
წიგნებსაც კი ეტანება
და კითხულობს ბიჭი ვითომ:

— თხა და გიგო...

აგერ ფისო...

რას მიცქერი, ფისო ბრეყვო!

გიგო არ უარ;

ის დილია...

მე არ მინდა გიგო ვიყო.—

აი, დღესაც გურამიკომ
გადაფურცლა წიგნი... მაგრამ
ნახატები ამოხია
და კედელზე მიამაგრა.


თითქოს აკდამთ მხატვრის ხელი,
დაუმსხვილა თვალი ძერას,
კაცი ზოგი გააშავა,
ზოგს ყურები დაუგრძელა.

იქნებ შერცხვა!—მოტირადღა
გასაქცევად როგორც ჭარა...
ვერ უნა კარგი, ამ სიკეთით
დედა ძლიერ გააჭაურა.

მაგრამ გურამს საყვარელი
ფედის წყენა სურდა განა?!
პატარაა, ჭერ არ იცის
მან ცხოვრების ანა-ბანა.

დაცადეთ, გაიზარდოს
და ბიჭუნა ნახეთ მაშინ,
ნახეთ წიგნებს, ან რვეულებს
სიყვარულით როგორ გაშლის!

ყველას გულის გასახარად
წამოღგება აძრე დილით,
იბუჯითებს და სკოლაში
ფრთაშესხმული ფრენით ივლის.



ქ. გოგიაშვილი

ორი ახსნაბი

— მოიცა, ძია, მოიცა! — ყვიროდა მალხაზი, მაგრამ საბარგო მანქანა სწრაფად მიქროდა.

— რა ვქნათ ახლა? — ჰკითხა კოტემ. მალხაზი ჩაფიქრდა, უცხად რაღაც მოიფიქრა, ჯიბიდან ფანქარი ამოიღო და მანქანის ნომერი ჩაიწერა.

ირგვლივ არაფერი ჩანდა.

მანქანიდან გადმოვარდნილ ყუთის მალხაზმა ხელი მოჰხვია და მოსახვევში, მყუდრო ადგილას შეჩერდნენ.

— წამოდი, მილიციელს ჩავაბაროთ! — თქვა მალხაზმა.

მოიცა, რას ამბობ, ჯერ ვნახოთ რა არის შიგ! — მოუთმენლად წამოიძახა კოტემ და ყუთისაკენ დაიხარა.

— არ გახსნა, კოტე, არ შეიძლება...

— ეითომ რატომ არ შეიძლება, შენი ხომ არ არის, ერთად არ ვნახეთ? — ხმას აუწია კოტემ და ყუთის გახსნას შეუდგა.

— კოტე, ნუ ხსნი მეთქი, — კვლავ შეაჩერა მალხაზმა.

— რა ძალიან ეპატრონები ამ ყუთს, შენ ვინ გკითხავს! — ამაყად წამოიძახა კოტემ და მალხაზს ხელი ჰკრა.

კოტე უფროსი იყო. მალხაზმა იცოდა, რომ კოტე მას მოერეოდა და ამხანაგს დაყუავებთ მიმართა:

— კარგი, ბიჭო, რა იყო, მოდი, პო, ვნახოთ!

— ჰოდა, ეგრე! — თქვა კოტემ, ჯიბის დანა ფრთხილად გახსნა და ყუთს დაუსვა. ყუთის გახსნაში მალხაზიც ეხმარებოდა.

— ბიჭოს, რა კარგი საკოსტუმე ქსოვილია! მამას როგორ გავანარებ, მამაშენსაც ეყოფა და ჩვეც. — წამოიძახა კოტემ და ყუთის დახურვას შეუდგა.

— რა თქვი, კოტე? — გაიკვირვა მალხაზმა.

— რაც გაიგონე... რა, ხომ არ მოგვიპარაუეს, ვიპოვნეთ. რას მიყურებ, ტყუილს ვამბობ?!

— იცი, რა გითხრა, კოტე! — დიჯად დაიწყო მალხაზმა, — იმ კაცმა რაღა დააშავა, ვინც ეს ქსოვილი დაკარგა, ცოცხალი არ არის!

— მერე რა, ჩემი ბრაღია? — წამოიძახა კოტემ.

— არა გრცხვენია, კოტე, როგორი პიონერი ხარ!



— რა შუაშია პიონერი, ხომ ვიპოვნეთ და... ნახევარი შენ, ნახევარი მე, აქ საჩხუბარი რა არის!— დაბეჯითებით იძახდა კოტე.

— ეს ქსოვილი პატრონს უნდა ჩავაბაროთ.— თქვა მალხაზმა.

— როგორ! სად უნდა ვეძებოთ პატრონი? შენ, ძმაო, მოხმარების შნო არა გქონია, ხელი გაუშვი,— შეუტია კოტემ მეგობარს.

— კოტე, რაც უნდა მოხდეს, იცოდე, ამ ყუთს არ ვაგატან, ახლავე მილიციელთან წავიდეთ და ჩავაბაროთ.

— რას ამბობ, რას? შენი წილი ვისაც გინდა ჩააბარე, მე კი ჩემსას არ დავითმობ!— თქვა კოტემ და ყუთს ისე მაგრად ჩააგლო ხელი, რომ ძნელი იყო მისი გამოართმევა.

— გაუშვი ხელი,— უთხრა მალხაზმა.

— არ გაუშვებ.

— გაუშვი მეთქი.

— არ გაუშვებ, — გუთუბოდა კოტე და ყუთს მთლიანად გადაეფარა ზევიდან. მალხაზმა გადაწყვიტა: რაც მოხდებოდა, მოხდესო და კოტეს ჩააფრინდა.

— გაუშვი მეთქი, — ყვიროდა მალხაზი და ყუთს თავისკენ ეწეოდა.

— არ მოგცემ! — წამოიძახა კოტემ და მეგობარს წელში ეცა.

დიდხანს კოტრიალობდნენ მიწაზე სკოლის ამხანაგები, ხან ერთი იყო ძირს ხან მეორე.

უეცრად მათ წინ მანქანა დადგა.

— რა ამბავია! — წამოიძახა მანქანიდან გადმოსულმა კაცმა და მოჩხუბრები გააშველა.

— ძია, — წამოიძახა მალხაზმა და უცნობს მივარდა.

— რა გაჩხუბებთ, რა მოხდა?

— ძია, — სულს ძლიეს ითქვამდა მალხაზი, — მე და კოტე ჰერბარიუმისათვის პეტლების დასაჭერად ქლოაქვარეთ წამოვედით. ქუჩაში მანქანიდან, აი, ეს ყუთი გადმოვარდა. მანქანაზე მჯდომ კაცს ვუძახებთ და ვერ ვავაგონეთ. მე და კოტემ ეს ყუთი გავხსენით და შუგ ქსოვილია.

კოტე იძახის ვაეყოთო, მე ვეუბნები: პატრონს ჩავაბაროთ—მეთქი. არ შევხებოდა, მეება, მეჩხუბება...

— შენ ამბობ, რომ პატრონს ჩავაბაროთო? — იკითხა უცნობმა.

— ჰო, ძია!

— მერე, როგორ უნდა ჩააბარო?

— მანქანის ნომერი ჩაწერილი მაქვს, სწრაფად მივუგო მალხაზმა.

— ჰოო?! კარგია... ჩააკეთე, წავიდეთ, — თქვა უცნობმა, ყუთი მანქანაში შეიტანა და შორს მდგომ კოტეს მიუბრუნდა:

— შენც წამოდი, კოტე!

კოტემ, რაც ძალი და ღონე ჰქონდა, მოკურცხლა. შორი მანძილი რომ გაიბრინა, შედგა, უკან მოიხედა და შინისაკენ გზა განაგრძო.

მანქანა ავტოინსპექციის წინ დადგა.

უცნობმა ყუთი გადმოიღო, მალხაზს უთხრა მომყევია და კბეებზე ავიდნენ.

უცნობმა კაბინეტში მაგიდასთან მჯდომ კაცს ყველაფერი აუხსნა.

მაგიდასთან მჯდომმა ტელეფონის მილი აიღო და საღლაქ დარეკა.

რამდენიმე ხნის შემდეგ კაბინეტში უცნობი კაცი შემოვიდა; ოთახში მყოფთ მიესალმა და ყუთის დანახვაზე წამოიძახა:

— კი, ჩემია, რამდენი ვეძებე ეს ყუთი! — თქვა მან და შუბლზე ოფლი მოიწმინდა.

კბეებზე ჩასვლისას უცნობმა ყველაფერი აუხსნა ახალმოსულს.

ყუთის პატრონმა მალხაზს ღიმილით გადახედა, შემდეგ კოსტუმის ჯიბიდან მუდმივი კალმისტარი ამოიღო, მალხაზს მიაწოდა და უთხრა:

— გმადლობთ, ბიჭო, ეს მცირე საჩუქარი მიიღე ჩემგან, შენ კარგი ბიჭი ყოფილხარ! — მერე ქუჩაში მდგომ სახარგო მანქანაზე დასლა ყუთი და მალხაზს მადლობა გადაუხადა.

მალხაზმა მიძაეული მანქანის ნომერს თვალი გააყრდა და იქვე მდგომ ძიას სიხარულით შეხედა.

ნახტი აღ. ბანძელაძისა

პაწაწინა ლექსები

გურამიკო არმიელი

ერთი, ორი, ერთი, ორი,
გამოვსულეარ, ბიჭო ვასო,
თოფიცა მაქვს, ცხენიცა მყავს,
მსურს არმიელს დავემსგავსო.

საითა ხარ, ოთარიკო,
აბა, ჰერი, აბა, ჰერი,
ორიე თვალი გქონდეს ფხიზიად,
არ გამოჩნდეს სადმე მტერი.

აბა, ჰერი, აბა, ჰერი,
გამომყევი, ბიჭო ვასო,
თოფიცა გვაქვს, ცხენიცა გვაყავს,
არმიელებს დავემსგავსოთ.



თინათინი

კამათია ყოველ დღით,—
გათენდება თუ არა,
პაწაწინა თინათინი
საყვედურობს გულნარას:

თუ გსურს ჩემთან მეგობრობა,
დაიხსოვე, იცოდე,
თინიკოს ნუ დამიძახებ,
თინათინი მიწოდე.



ზურას დღიური

რომ იცოდეთ ჩვენი ზურა
დღიურს როგორ უვლის,
მისი ნახვა, პატარებო,
გვიხარია გულთ.

გადაფურცლავ, ხუთიანებს
დაინახავ ჰარად,
ადგილი რომ აღარ ჰყოფნით,
ერთად ჩამომსხდარან.

შემდეგ ფურცელს თუ გადაშლით,
უფრო გატკობთ ცქერა,
პატარებო, თვითონ ნახეთ,
ჩემი თუ არ გჯერათ.

ნახატები გ. როინიშვილისა

ტყის ღლეობა

— დილა მშვიდობისა, შრრ, შრრ! — გაიშრიალა წელში მოხრილმა ხანდახმულმა ფიქვმა და ნორჩი ტყე გააღვიძა.

— დილა მშვიდობისა, დიდედა ფიქვო! — უპასუხეს პატარა ხეებმა, თავები დაბლა დაუკრეს და მწვანე კალთები შეარხიეს: — შრრ, შრრ!

დიდედა ფიქვმა ნორჩ ტყეს დაბადების დღე მიულოცა და ტკბილად დაბერება უსურვა.

— სიტკბოება არ მოგაკლდეს, დიდედავ! — შესძახეს ერთხმად ნორჩმა ხეებმა და სოფლიდან მოვარდნილ რადიოს ხმას რჩევით აპყენენ.

— ერთი, ორი, სამი! ერთი, ორი, სამი! — გაისმოდა ტყეში და ხეები ირხეოდნენ ხან მარჯვნივ და ხან მარცხნივ.

მაგრამ როცა რადიომ ბრძანა: — ნაბიჯით იართ! — ხეებმა თავები აქეთ-იქით გაიქინეს: შრრ, შრრ, სიარული არ შეგვიძლიაო! — და ფეხადგმულ ტყის ცხოველებს დაუწყეს ცეკრა. მწყობრად მიანოჯებდნენ მელა, მანგი, ზღარბი, ტურა, ციყვი, კვერნა, თხუნელი, მხოლოდ პაწია დათუნისა ფეხი ფეხზე გადაედო, თათებს ფიქვის ფესვზე გულმოდგინედ უბრაგუნებდა და გაიძახოდა:

— ცუმპა-ცუმპა, ბუმ! ცუმპა-ცუმპა, ბუმ!

— ერთი, ორი, სამი! ერთი, ორი, სამი! ახლა კი სველი ტილოთი დაიზილეთ ტანი. — უკანასკნელად თქვა რადიომ.

ხეები აშრიალდნენ მხიარულად: — რა ხანია, ტანი ნაშით დავიბანეთო. ტყის ცხოველები კი ჩოჩქოლით იერისაკენ გაეშურნენ.

მხოლოდ დათუნია დარჩა ადგილზე. მსუქანი თათები ვარდისფერი ენით აილოცა და ტანმოვარჯიშეთა დაბრუნებამდე წაძინება განიზრახა, მაგრამ კოდალამ არ დააცალა.



— ტაქ, ტუქ, ტაქ, ტუქ! — უთაკუნებდა ნისკარტს დიდედა ფიქვის დაკოჟრილ ქერქს, დიდედა კი კოდალას ქებას ასხამდა: — რა ოსტატურად მაკლი მივინებლებს, შენს ხელში ავად რა გამხდის, გამადლობთ, გამადლობთ, მკურნალო კოდალავ, შრრ, შრრ, შრრ!

ხელობრდაბანილი და საჩუქრებით ხელდამშვენებული ტანმოვარჯიშეები იერის ნაპირიდან ტყეში დაბრუნდნენ.

ოჰ, რამდენი ყვავილები დაეკრიფათ, რა ფერად-ფერადი თაიგულები შეეკრათ და მოეტანათ.

— იხარდე, დაუთკაცდი, იშრიალე მარად, ლალად! — უსურვეს ნორჩ ტყეს და ერთი წლის შესრულება მიულოცეს.

ციყვმა კი დიდედა ფიქვს კენწერო ყვანობის თაიგულებით დაუმშვენა და მკერდი დაუკოცა.

— მარტო ვიყავ ოხერტიალი ამ სამ-



გორის ტრიალ ველზე. შემობრალა მადლით სახსე ხალხმა და ეს ტყე დარგო, — წამოიწყო დიდდა ფიქვმა და აცრემლებდა დაპირა, მაგრამ დათუნია მსუქანი თათები წელზე მოჰხვია და ასძახა: აბა, აბა, გუნებას ნუ გამოფუჭებო, — და დიდდა გააცინა.

ვნახოთ, ბოლოკ-სტაფილოს თაიგულე-ბით დამძიმებულნი და ხელიხელ გაყრილი მფულღე კურდღლებიც შემობრძანდნენ ტყეში.

— ოჰ, ოჰ! — ოხრავდა დედა კურდღელი და გულში თათს იცემდა.

— რატომ ტირი, დო? — ჰკითხა თხუნელამ.

— რაღა მეშველება, სწორედ იმ დღეს, როცა ეს ტყე დარგეს, შვილი დავკარგე... ყურწიგნა ერქვა სახელად, ხომ არავის გინახავთ?

— არა, არა! მოვა, მოვა, ნუ იღარდებ!... დაამშვიდეს ცხოველებმა დედა კურდღელი.

— მობრძანდით, მობრძანდით, მობრძანდით! — ბატყა ციყვმა; დიდდა ფიქვის გავრცელებული ფესვი ბუმბულა კულით გადაწმინდა და სტუმრები ზედ დააბრძანა.

— აბა, ვანი, ვანი! — დაიბურღლუნა დათუნია და კვერნა თამაშობით გაიწვია.

ამ დროს სერზე ერთმა ნაცარა კურდღელმა ჩამოირბინა. ახტა დახტა და მოხდენილი სკუპით წრის შუაგულში ჩახტა.

— ყურწიგნავ, შვილო, ყურწიგნავ! — შესძახა დედა კურდღელმა და მხურვალედ გადაჰკოცნა.

— სად იყავ ამდენ ხანს? — მკაცრად შეეკითხა მამა კურდღელი ყურწიგნას და ყური აუწია.

— სკოლაში ვსწავლობდი, — უპასუხა ყურწიგნამ და ყურები წიგნებივით ჩამოჰკეცა.

— სკოლაში? — გაიოცა ყველამ.

— დიახ, სკოლაში, — გაიმეორა ყურწიგნამ.

— ძნელია სწავლა? — შეეკითხა მამივი.


— ადვილი სტაფილოს ჰამაც კი არაა! — სკოლაში, თევზით მივირთმევთ სტაფილოს, — თქვა ყურწიგნამ და მიწაზე დალაგებულ ბოსტნეულს წუნით დახედა.

— დახეთ, დახეთ! — გაიოცა მელიამ და დონიჯი შემოიყარა.

— ვანა მარტო მე, ნათელ და სუფთა ოთახში ჩემთან ერთად ზღარბი და ჩიკვი ცხოვრობენ. ყველა კლასებში დავყავართ, სადაც ბუნების გაცვეთილია.

— შენკი გენაცვალოს დედა, ჰკუა ყურებში გეტყობოდა! — შესძახა დედა კურდღელმა და ყურები დაუკოცნა, მამა კურდღელმა კი უღვაშები უფრო მაღლა აიგრიხა.

აღტაცებული სტუმრები ბენიერ მშობლებს შეხაროდნენ. მალე ისეთი ლხინი გამართეს, რომ მათი ყრიაშული ახალდასახლებულ სოფლებს სწვდებოდა.



შეხვედრა დაითვან

მთებს ღამის ბინდი შეეპარათ, ნაცრისფერი ნისლი ჩამოწვა ხევში. საძოვრებზე გაფანტულ კოლმეურნეობის საქონელს თავი მოუყარეს მწყემსებმა. კარავში მუხის შეშის ნაკვერცხლები ღვინოდა. ჩემს გვერდით იჯდა მწყემსის შვილი, პიონერი რეზო. უფროსები ჩქარობდნენ, ზოგი წმენდა თოფს, ზოგი კი საგულდაგულოდ ტენიდა.


— მთელ ნახირს აიკლებს წყეული ნადირი, თუ რამე არ ვიდონეთ! — ლაპარაკობდა დათვებ გაჯავრებული მოხუცი მწყემსი.

— ზარალი ხომ ზარალი იქნება და სირცხვილს რაღა ვუყოთ, ამდენ ხანს მაგ საძაგელს ბოლო ვერ მოვუღეთ! — დაუმატა შუახნის კაცმა, რომელსაც გრიგოლს ეძახდნენ. ეს იყო რეზოს მამა. მე და რეზო გულადი ვაქაკებოვით ვიზიარებდით უფროსების საუბარს. — დროა ბავშვებო, დაიძინოთ, — გვითხრეს უფროსებმა. ჩვენც ძილი გვერეოდა და იქვე დათვის ტყავზე წამოვწყექით. რეზოს ვუყვებოდი, თუ როგორ შემაშინა მამამა გზაზე. რეზოც ხარხარებდა. ის უკვე იცნობდა ამ მთას, ტყეს და მის ცხოველთა სამეფოს, გამოცდილი კაცივით უშიშარი და გაბედული იყო.

გათენდა. ხევში ნისლი გაიფანტა. კოლმეურნეთა საქონელი გაიშალა საძოვრებზე. მე და რეზო წავედით მდინარის სათავეზე; მაღალი კლდის გამოქვაბულიდან მოსჩქეფდა წყალი. ნელნელა გავვევით ბილიკებს, ძირს დავეშვით. მაღლა რომ ავიხედეთ, კლდის ციკაბო ნაპირზე ორი თხა შევნიშნეთ.

— რეზო! — გაკვირვებით შევძახე ამხანაგს; — აქ თხებიც ჰყავთ?

მან თავი მაღლა ასწია, და სიცილი ვეღარ შეიკავა:



— არა, ისინი თხები კი არა, ჯიხვებია. — მითხრა მან.

უკან დავბრუნდით, ჩუმად შემოვუარეთ კლდეს, ჯიხვეებს ქვა ვესროლეთ და დავაფრთხეთ. ისინი კლდიდან თავქვე ელვის სისწრაფით დაეშვნენ. ჩვენ გზა განვაგრძეთ. მალე ხმაური მოგვესმა. თითქოს ფოთლები შრიალებდა, მაგრამ ტაკუნიც ემატებოდა.

— ხომ გითხარი, ჯიხვეები აქეთ წამოვიდნენ, ისინი ხმაურობენ, — მამხნევებდა რეზო, მაგრამ ჩვენს თვალწინ ჯიხვეები კი არა, დათვის პატარა ბელები გამოჩნდნენ. აბა, მაშინ უნდა გენახათ ჩვენი ხირ-





ბილი უკან, კარავისაკენ, რომ ეს ამბავი უფროსებისათვის შეგვეტყობინებინა.

კარავს რომ მივუახლოვდით მოხუც თედორეს სულმოუთქმელად მივაძახეთ: — დათვის ბელები, ძია თედორე!

ამის გაგონებაზე მწყემსებმა იარაღი აიხსეს და სწრაფად გამოგვეყენენ უკან. ჩვენ წინ მივუძღოდით. თედორე დარწმუნებით ამბობდა: — სადაც ბელებია, იქ დათვის ბუნავია, ხოლო სადაც ბუნავია, იქ ბრძანდება ალბათ ჩვენი ღამის აგი სტუმარი. დათვი ახლა ბელებს არ მიატოვებს, მხოლოდ ამ დროს საშიშია ნადირი, არ დაგვზოგავს და სიფრთხილე გვმართებს!

ნაცნობ ადგილს რომ მივუახლოვდით, ჩვენ ნაძვის ხეზე ავცოცდით უფროსების გაფრთხილებით, ისინი კი წინ მიიწვედნენ. თედორე კარგად ზეერავდა ადგილს და მალე მიაგნეს ბუნავს; ბელები კვლავ

ერთობოდნენ, დედა დათვი, რომელიც ბუნავში იწვა, ადამიანის მისდევნის იგრძნო, წამოვარდა და ბელებისაკენ გაიქცა.

თედორესა და გრიგოლის თოფებმა ერთად დაიჭქეს, სასიკვდილოდ დაჭრილმა მხეცმა შეუტია მწყემსებს. გრიგოლის მეორედ ნასროლმა ტყვიამ კი იგი წააბარბაცა. მწყემსებიც მომარჯვებული თოფებით წინ წავიდნენ, მაგრამ ნადირი უკვე გულგანგმირული ევლო. ჩვენ ხიდან ჩამოვხტით. ვნახეთ, დათვის ბუნავში საქონლის ძვლები ეყარა. დათვის ორი ბელი იქვე დაეიჭირეთ. ისინი ტუნებს ილოკვდნენ. მოხუცმა თედორემ გამოაცხადა: ბელები პატარა მონადირეებს ეკუთვნითო.

როცა თბილისში ჩამოვედით, ჩვენი ბელები ზოოპარკს ჩავაბარეთ.

ნიკოლოზ ჩაჩავა

ნახატი გ. ფოცხიშვილისა

ფართო ქუჩაზე

ბიჭო, ჩემი თვლით
გნახე ამას წინათ,—
ახალ ავტობუსში
იქვე აჩხინაფ.

უცქეროდი სახლებს,
ხეუბს, ფართო ქუჩას.
ველარ ნახე სახლი,
სადაც ცხოვრობს უჩა.

ის ხომ დაანგრის,
ქუჩა გახდა ფართო.
უჩას ბინა მისცეს,—
განა უჩას მარტო?
სხვებიც გადაიყვანეს,
ზურა, თინა, ნატო.



ბუნების კარი

ბ უ ლ ბ უ ლ ი

დაღამდა. სოფელი მიუყრდა. სულ ახლოს ბულბულის მომაჯადოებელი სტევენა გაისმა.

— მამა, მამა, ბულბულის ხმა გესმის? ორღობის იქითა ვენახშია, გვიამბე ბულბულის შესახებ. — უთხრა მამას ნანამ.

— ჰო, გვიამბე. — შეეხვეწა ლეოც.

— ბულბული ბელურა ჩიტს წააგავს, მხოლოდ იმაზე მოზრდილია, — დაიწყო მამამ. — ფრინველებში ბულბულისთანა მგალობელი სხვა არ მოიძებნება, მისი სიმღერა განთქმულია მთელს ქვეყანაზე. ბულბულს უყვარს წყნარი, უხმაურო ადგილები მწვანით, ბალ-ვენახებით და ტყით შემკული. სწორედ ამიტომ ეტანებიან ბულბულები ბუნებით ლამაზსა და მშვენიერ საინგილოს, რომელიც თვალის ერთ გადავლებით მთლიან ბალ-ვენახს მოგვაგონებს.

ბულბული ბუდეს იცეთებს ხის დაბალ ტოტებზე, ან ძირს, ბუჩქებში, სადაც ბლომად მოიძებნება განმბარი ფოთოლი და ბალახი. სტებს ოთხ-ექვს პატარა თხელ-ნაქუქა კვერცხს. ორი კვირის შემდეგ გამოიქვს ბარტყებს. შობლები ბარტყებს კარგად უვლიან, საქმელ-სასმელს აო აკლებენ და თან გალობაში ავარჯიშებენ. მათ საქმელს ქია-ლუა შეადგენს, შემოდგომით კი ხეხილის წვრილი ნაყოფით იკვებებიან. როცა ბარტყები კარგად მოიხატებიან, აქეთ-იქით გაიფანტებიან, შემოდგომაზე კვლავ შეგროვდებიან და ერთად გაფრინდებიან თბილ ქვეყნებში. ვახაუნულზე კი ისევ გვეწვევიან, შობობილოო ქვეყანაში დაბრუნება ძლიერ უხარიათ და თედავიწყებით გალობენ ხოლმე. მოშინაურებაც ადვილად იცის ბულბულმა. — დაასრულა მამამ.

— ჩვენც დავიჭერთ და მოვიყვანთ სახლში, აქ იკალობოს, — წამოიძახა კულრაქა ნანამ.

— არა, შეილო, მათი დაქერა არც ისე

ადვილია და ცოდაც არის ფრინველის დატყვევება, — მიუგო მამამ.

ნანამ და ლეომ მეორე დღესვე გადაწყვიტეს მამის დაუკითხავად მოეძებნათ ბულბულის ბუდე და ბაღების ყველა კუთხე დაათვალიერეს; ერთ ადგილზე, მაცულის ბუჩქში, ლეომ რაღაც თეთრს მოაქრა თვალი და მაშინვე იქით გაეჭანა.

— ნანა, ნანა, — ნელი ხმით გასძახა ლეომ და თან ხელი დაუქნია დას.

ბუჩქის ძირში, მოფარებულ ადგილას, პატარა კოხტა ბუდე დახვდათ, რომელშიც მიხაკისფერი, ოდნავ მომწვანო ხუთი კვერცხი ელაგა. ნანამ და ლეომ ადგილი კარგად დაიხსომეს და სწრაფად გაშორდნენ ექაურობას. ამის შემდეგ ყოველდღე ინახულებდნენ ხოლმე ბუდეს. ორი კვირა გავიდა. ბუდეში პატარა ბარტყები გაჩნდნენ. მალე ბარტყები დაფრთიანდნენ. ბავშვებმა დრო იხელთეს, მიეპარნენ, ორი ბარტყი წამოიყვანეს და ვალიაში მოათავსეს. ბარტყების შობალებს არ გამოეპარათ ბავშვების ოინები. მიაგნეს წაყვანილ ბარტყების გზაკვალს და როცა ავიანზე არავინ იყო ხოლმე, შეხტებოდნენ შეილებთან ვალიაზე, შესუქიკვიკებდნენ და თან საქმელს უზიდავდნენ.

ერთხელ, ნანამ საქმელი შეუღდა თავის ტყვეებს ვალიაში და საჩქაროდ გაბრუნდა, რადგანაც მამა ეძახდა, ვალიის კარები კი ღია დარჩა. ამით ისარგებლეს ტყვეებმა, სწრაფად გამოფრინდნენ ვალიიდან და ერთ წუთში შობალებთან გაჩნდნენ.

ნანა მივარდა, ვალიაში ბარტყები რომ ვეღარ ნახა, ძლიერ ეწყინა, მაგრამ გადახედა თუ არა საითაც ბულბულები ეგულებოდა, გაუკვირდა! ტყვეებს დედამა და დარჩენილი დაძმები შემოჰხვეოდნენ და ისეთი მხიარული ელურტული და ყვირილი-ხივილი ჰქონდათ, რომ აღტაცებული ნანაც იმათ ბედნიერებას შეჰხაროდა.



18/79. 2 7075



იკაკლი ახალიძე

წავიდეთ, ენახოთ...

აყვავდა მინდვრად ყაყაჩო,
წითლად ბრიალებს აპრილი!
თბილისის ჭივრისკენ გვეძახის
იორი ფაფურაყრილი.

წავიდეთ, ენახოთ იორი
ის უკვდავების წამალი;
სიცოცხლე დაბრუნებული
ძველი სამგორის ტრამალი.
წავიდეთ, ენახოთ თბილისის
ზღვისპირი აყვავებული,

წყალზე სხივების თამაში,
ზვირთი ზვირთს დახვავებული.
წავიდეთ, ენახოთ აპრილი
თბილისის ზღვასთან მოსული;
ბულბულის სტვენა ვისმინოთ
შთაფონებული, მგოსნური.
წავიდეთ, ენახოთ ველებზე
ლალი ზვირთების ქვენება;
ენახოთ სამგორის ბაღნარი—
ჩვენი სამშობლოს მშვენება.

ყდის პირველი და მეორე გვერდის მხატვრება ცუცოფინის გ. ჩორინაშვილი

რედაქტორი ჩუგა ზ მარჯანიანი სარედაქციო კოლეგია: გ. ახაშიძე, ე. ბურჯანაძე, ი. ვაჩაშვილი,
თ. თუმანიშვილი, მ. ავალია, მ. რევალიშვილი, (რედაქტორის მოადგილე), ი. სიხარულიძე, წ. უნაქოშვილი, შ. ცხადაძე.

ქ. ი. ლ. ა.—საბჭოთავი ქვეყნის ჟურნალ ქ. ლ. ი. გ. გ. № 4, აპრილი 1962 წ. თბილისი, ლენინი 14.
საბჭოთავი ბავშვთა ჟურნალი თბილისი ცენტრის 14, 3 სართ. ტელ. 4-57-38
გამოც. უკვ. № 127 სტამბის უკვ. № 222-788 ტირაჟი 10,000 ჯ 00088.